

Iluarsiissut
Siunnersuut 13. maj 2024-meersoq taarserlugu
(Teknikikkut iluarsiissut)

Allannguutissatut siunnersuut

uunga

Uunga siunnersuut: Aalisarneq pillugu Inatsisartut inatsisaat

Pingajussaaneerneqarnissaanut Naalakkersuisunit saqqummiunneqarpoq:

§ 32-mut

1. § 32, imm. 7-itut ikkunneqassaaq:

“ *Imm. 7.* Pisassat amerlanerpaaffissaat imm. 3, nr. 1-imi taaneqartut appartissinnaaneri pillugit Naalakkersuisut maleruagassiorsinnaapput. Appartitsinerit inuiaqatigiinnut pisussaaffiit, pisortat ingerlatseqatigiiffiutaasa pisussaaffiligassaat piffissaqarluarlunilu nalunaaruteqarnissamut piffissarititaasut isiginiarlugit ingerlanneqassapput.”

2. § 32, imm. 8-tut ikkunneqassaaq:

“ *Imm. 8.* Oqaaseqatigiit suilliit kingorna aalajangiussaq pillugu Naalakkersuisut Inatsisartunut immikkut ilisimatitsissuteqassapput.”

Allannguutissatut siunnersuummut nassuiaatit

Nassuiaatit nalinginnaasut

Aalisarnermut inatsisissatut siunnersuutip 10. maj 2024-mi aappassaaneerneqarnerani ingerlatseqatigiiffiit pisortanit pigineqartut pisassiissutinik piginnittuusinnaanerannut qummut killiliullugit aalajangersakkamat pingajussaaneerinninnissamut allannguutissatut siunnersuummik Naalakkersuisut saqqummiussaqaarniartut saqqummiunneqarpoq.

Siunnersuut aqutigalugu nalinginnaasumik piginnaatitsissummik nutaamik aalajangersaasoqassaaq ingerlatseqatigiiffiit pisortanit pigineqartut pisassanit pisassaasa piffissaqarluarluni nalunaaruteqarnikkut atugassaritallu nalunaarummi

aalajangersarneqarsimasut naapertorlugit appartinneqarsinnaanissaanut Naalackersuisut piginnaatinneqarnissaannik periarfissiisumik.

Piginnaatitsissut atorneqarpat ilutigisaanik Naalackersuisut Inatsisartuni ataatsimiititalianut susassaqtunut ilisimatitsissuteqassapput.

Siunnersuummi aalajangersakkanut ataasiakkaanut nassuiaatit

Nr. 1-imut

Ingerlatseqatigiiffiit pisortanit pigineqartut Kitaani raajartassaasa amerlanerpaaffissaat namminersortut pisassaasa amerlanerpaaffissaannut aalajangersakkanut naleqqussarneqartariaqarnissaat siunertaralugu allannguutissatut siunnersuusiortoqarpoq.

Inuiaqatigiinnut pisussaaffittut suliassat pisortat ingerlatseqatigiiffiutaanit isumagineqartartut aaqiiffigineqarnissaata suli pisariaqarnissaa naatsorsuutigineqarpoq. Taamaattumik pisortat ingerlatseqatigiiffiutaani pisassat amerlanerpaaffissaannik appartitsinissaq qajassuullugu ingerlanneqartariaqarpoq, pitsaanngitsumik sunniutaasinnaajunnartut minnerpaaffianiitsinniarlugit.

Tamatuma kingunerissavaa immikkoortoq 7-mi oqaaseqatigiit siulliit naapertorlugit pisassat amerlanerpaaffissaanik allannguinerit sunniutissat siuliani taaneqartut naatsorsorneqarneri aallaavigalugit ingerlanneqassasut.

Aalajangersagaq taanna aallaavigalugu iliuusissat inatsisissatut siunnersuummi uumassusilinnik, aningaasaqarnikkut inuillu atugaasigut piujuartitsinermut tunngaviit isiginiarlugit ingerlanneqassapput.

Ingerlatseqatigiiffiit pisortanit pigineqartut pisassaasa naleqqussarneqareernerisa kingorna pisassiissutit naleqqussarniarneranni tamakkiisumik namminersortunngorsaanissaq imaluunniit najukkami aalisartunik suleqatigiinnermik pilersitsinissaq naatsorsuutigineqarpoq.

Pisassat amerlanerpaaffissaannik appartitsineq ingerlatseqatigiiffiit pisortat pigisaasa pisassaannik appariartitsisussa qiffissaqarlualuni nalunaarutigineqassaaq pinngitsaaliilluni taarsiissutitalimmik pigisanik piginnikkunnaartitsinertut apeqquusiinnaanerit pinngitsoortinniarlugit.

Nr. 2-mut

Aalajangersakkat naapertorlugit Naalackersuisut iliutsitik tamaasa Inatsisartunut ilisimatitsissutigissavaat.

Ilisimatitsissut una immikkut ingerlanneqassaaq, taamaasillunilu assersuutigalugu inatsisissatut siunnersuummi § 53 naapertorlugu ukiumoortumik nalunaarusiaq utaqqqartussaassanagu.